



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

XI. Samuelis Christiani Hollmani, *Logic. & Metaph. in nova' Gottingensi Academia, P. P. O. de Duplicaturæ fibrarum, in foliis quibuscunque conspicuæ Usu, aliisque huc pertinentibus, Conjecturæ.*

QUUM illa, quæ de *duplici* in foliis quibuscunque minimarum fibrillarum *reticulo*, facile a se invicem separabili, & a natura ipsa distincto, in superioribus annotata sunt, extra controversiam, & dubitationem omnem, videantur esse posita, atque oculari demonstratione confirmari facile cuivis possint; operæ jam videtur esse pretium, paucis hic exponere, *Quisnam* verus hujus *duplicaturæ* videatur esse *usus*. Non putamus vero, quenquam, in rerum naturalium contemplationibus vel mediocriter versatum, adeo temere in plantarum anatome fore hospitem, ut ignoret, plerasque in plantis occurrentes fibras ligneas, hisque analogas, *tubulos*, & *canaliculos*, quamplurimos minimos efficere, quibus succus nutritius, inde ab extremis radicum fibrillis, ad remotissimas quascunque partes, vehitur, atque a principio suo movente, quodcumque tandem illud quoque sit, propellitur quasi, protruditurque. Neque qui hæc noverit, etiam temere ignorabit, *fibrillas* illas minimas, quibus *caulis*, vel *pediolus*, foliorum constar, canaliculorum illorum minimorum *elongationem*, & *continuationem* quandam, solum esse, & *peculiarem* quandam eorundem *fasciculum* quasi constituere, quibus succus nutritius ad partes folii reliquas transmittitur, per easdemque distribuitur; quique per varias divaricationes, & quasi ramificationes, per universum folii

folii planum postea *explicantur*, atque a se mutuo magis magisque recedunt, variis tamen *anastomosis*, multis in locis, sibi mirifice iterum simul *inosculantur*, sicque inter se *cohaerens* quoddam fibrillarum, & tubulorum minimorum *reticulum* constituent. Hoc enim omne in foliis quibuscunque etiam non excarnatis, si luci copiosiori obvertantur, etiam nudo oculo, vel mediocri microscopio observari a quovis facile potest. Neque illud tandem quoque quenquam, rerum naturalium vel mediocriter saltem peritum, latere posse existimamus, quod jam proxime elapso seculo multi viri celeberrimi in eam ingressi sint sententiam, quod succus nutritius in *plantis* non alia, quam in *animantibus*, ratione, hoc est, *per circulum*, moveatur; quodque coram ipsis *Societatibus Regiis*, LONDINENSI & PARISIENSI, varia maximam huic sententiæ veri speciem conciliantia, tentamina & experimenta jam olim, recentiusque, instituta sint. Hæc omnia ergo, quando de usu duplicaturæ in foliis, eorumque minimis quibuscunque fibrillis, dicere jam instituimus, tanquam aliunde satis cognita, & fere jam pervulgata, hic merito supponimus.

Facile vero jam, his præstructis, videri cuiquam poterat, non posse temere luculentius quoddam, quo illa in dubium a multis adhuc revocata, *succi nutritii* in plantis *circulatio* confirmari, & extra controversiam omnem poni facilius possit, inveniri argumentum, quam *hanc ipsam* reticulorum in foliis quibusvis *duplicaturam*. Quodsi *singulæ* enim illius reticuli *fibræ* totidem *tubuli* sunt, quibus succus nutritius in folium ipsum ascendit, & per illud distribuitur, de quo nemo fere dubitat, atque horum tubu-

lorum talis jam duplicatura perdemonstrata datur, ut *ne minimus* quidem sit, qui non *comitem* suum, exactissime sibi respondentem, habeat; nihil fere manifestius jam esse videtur, quam *alterum* illorum genus *arteriarum* quasi, *alterum* vero *venarum*, officio hic fungi, quippe quas eodem modo in corpore animali se perpetuo comitari mutuo, constet; adeoque & *alterum* illorum succo nutritio a radicibus ad extremos usque apices *advehendo*, *alterum* vero eidem ab extremis arborum & plantarum apicibus ad radices *revehendo*, inservire; sicque motum ejusdem *circularem*, hoc ipso diverso tubulorum genere, in plantis & vegetabilibus perfici.

Non est ille hic locus, quo disquiri jam a me vel possit, vel debeat, quid mihi illi, de succi nutritii in plantis circulatione, sententiæ veri videatur subesse, vel minus, quidque in experimentis, ejus confirmandæ rei causa institutis, vel dubium, vel uberiori saltem disquisitione dignum, adhuc esse videatur; de quo alio forsan & loco, & tempore. *Ponamus* vero, extra omnem dubitationem jam esse positam illam succi nutritii in plantis & vegetabilibus circulationem; *hæc* tamen tubulorum, si ita appellare licet, in foliis a me jam observata *duplicatura* huic sententiæ *non* omnino videtur *favere*, quam maxime id etiam vellem: majorem enim forsan tunc apud multos hoc novo invento inire gratiam, quam nunc quidem. Etenim *initio* nondum satis evidens, & dubitatione omni carens, esse videtur, quod *reticuli cujusvis*, separatim spectati *fibrille*, illarumque divaricationes, *integri tubuli*, toridemque tubulorum integrorum ramificationes sint, siquidem in ejusmodi fibrillis, transversim dissectis, vel disruptis, *nulla* hætenus tubulorum quorundam *orificia osculaque*, qualia quidem in *quorumvis*

rumvis lignorum fibris, transversim, seu horizontaliter, dissectis, facili observare negotio licet, vel optimæ notæ microscopiis detegi, a me potuerunt. Forſan ergo, dum pars alterutrius reticuli *convexa*, partis alterius *concavæ sinu* quaſi excipitur, arctiſſimeque includitur, *tenuis* aliqua, *inſenſibilisque*, ſolum *cavitas* inter utramque relinquitur, quæ tranſmittendo ſucco nutritio inſervit; hocque adeo modo divaricationes *utriuſque* reticuli inter ſe *conjunctæ*, *tubulorum* demum officio deſunguntur. Quodſi vel maxime vero, non obſtantibus modo adductis, vellemus concedere, *ſingulas* utriuſque reticuli *fibrillas* totidem integros, perfectosque, *tubulos*, quibus ſingulis ſuccus aliquis nutritius tranſmittatur, perque univerſi folii ſubſtantiam diſtribuat, eſſe; *ne ſic* tamen arbitror, confici ſtatim exinde poterit, *alterius* reticuli tubulos *arteriarum*, *alterius* vero *venarum*, officio fungi, ſicque ſuccum nutritium in his reticulorum tubulis *per circulum* moveri. *Duo* enim inprimis in iſthac foliorum præparatione ſupra jam commemorata, & deſcripta, obſervavi, quæ huic ſententiæ minime videntur favere. 1º. Scilicet deprehendi, minimas utriuſque reticuli fibrillas, in *extremo* folii *marginē* ſitas, terminatasque, longe *facilius* a ſe invicem ſeparari poſſe, *ſuæque* quaſi *ſponte* jam recedere, quam quæ *a margine* undequaque *remotiores* ſunt, & longius ab eodem diſtant; eſſi *cuticula* utraque in *extremo margine* arctiſſime undiquaque adhuc inter ſe *cohæreat*; indeque & licet ab utroque folii reticulo, per totum ejus ambitum, ſua ſponte jam receſſerit, *hic* tamen cultello adhuc *diffecanda* ſtudioſe ſit, ſi altera ejusdem lamella recedere ab altera debeat: id quod evidentiffimo videtur eſſe argumento, *fibrillarum*
utri-

utriusque reticuli *extremities* in *margin*e folii non inter se *cohærere*, atque *arteriarum* instar in *venas* suas *recurvari*, *replicari*que, siquidem omnium arctissime aliàs tubuli isti subtilissimi, hoc imprimis in loco, cohærere inter se deberent. 2º. Illud quoque annotatione dignum hic est, quod non raro mihi evenisse memini: Contigit nempe aliquoties, ut, quando altera folii, aquæ innatantis, superficies durante putrefactionis tempore ex aqua aliquantulum prominuit, *hæc ipsa* superficies quoque tum *minus*, quam *altera*, sub aquam depressa, eademque undiquaque contacta *putrefactione* ad sceleti præparationem *apta* facta fuerit, difficiliusque & cuticulam, ipsi impositam, dimiserit, & partes viridulas, inter reticuli lacunas interpositas, elui aqua permiserit, quam in *altera* quidem ejusdem folii superficie utrumque successit. Hoc ergo quando jam evenit, microscopio aliquoties observavi, *inferius*, si putrefactionis situm, statumque, respicias, ejusmodi folii reticulum *omni*, inter ipsas ejusdem divaricationes & lacunas aliàs hærente, pulpa viridula *denudatum* jam conspici, *hærente* eadem adhuc, intimeque *infixa*, intextaque, inter *alterius*, *superioris* nempe eodem respectu, reticuli divaricationes, & lacunas: id quod quilibet, qui manum modo ipsi rei admoverit, facile ipse quoque, data occasione, observare poterit. Quum ex hoc ipso ergo evidens satis sit *ipsam* etiam *pulpam* illam subtilissimam *virescentem*, quæ utrique folii cujuscunque cuticulæ proxime subjacet, eademque separata sponte sua, maximam partem, plerumque, post debitam putrefactionem, effluit, in *duas* non minus *lamellas*, & *strata* quasi totidem *diversa* distinctam esse, quorum alterum *uni*, alterum *alteri*, folii reticulo intime, arctissimeque, intertextum quasi

quasi est ; maxime etiam videtur esse evidens, *alterum* folii *reticulum* generandæ & nutriendæ *uni*, alterum *alteri*, foliorum quorumvis *superficie* inprimis invadere, huicque usui a Creatore sapientissimo destinatum etiam potissimum esse.

Quum hac ergo ratione de Duplicaturæ istius, in foliorum quorumcunque sceletis, usum jam quodammodo constet; *alia* nonnulla ad hoc argumentum pertinentia hic adjicere adhuc liceat, quorum primum *generationem pulpæ* istius *viridulæ*, quæ inter reticuli utriusque lacunas, in folio virescente, utrinque interjacet, inprimis concernit. Constat mihi scilicet ex plurimis circa plantas & vegetabilia institutis & observationibus & experimentis, *primum*, quod ex succo nutritio in vegetabilibus procreatur, *concretum* formam quandam *vesicularem*, & *utricularem*, semper præ se ferre; unde & dudum *utriculorum* nomine a rerum istarum peritis scriptoribus compellatum idem est. Patet id ex *medulla* quarumcunque arborum, patet ex *cortice* earundem *viridi*, patet ex *florum*, ex terra *immediate* prognatorum plerorumque, *caulibus*, ipsisque *horum*, & ex *arboribus* protrusorum, *florum*, tum & reliquis *communibus* plantarum quarumcunque, *foliis*, in quibus vel nudo sæpius oculo utricularis, & vesicularis, illa figura conspici facile potest. Jam vero, experientia porro constat, quod, quotiescunque *liquidum* paulo *viscidius*, vel partibus quibusdam salinis & oleosis imprægnatum, per *tubulos* quosdam *angustiores*, leniori aëris agitatione & quasi suffocatione propellitur, semper illud in *vesiculas* nunc plures, nunc pauciores, in tubulorum illorum extremitatibus expandatur, id quod vel *puerorum* nostrorum *lusu*, aqua *sapone* saturata fieri solito, in vulgus constat.

stat. Quoniam ex anatome vero plantarum constat, partes, fibrasque, illarum solidas maximam partem *tubulos, canaliculosque*, minimos constituere, quæ inde a *radicum* fibrillis ad *extremos* usque *frondium* in plantis perfectioribus *apices* excurrunt; neque minus constat succum nutritium nulla fere *alia* vi, quam *aëris*, radicum fibrillis incumbentis & *gravitate*, & *vi elastica*, ad frondium apices propelli; probabile admodum est, succum nutritium, aëris vi per tubulos plantarum angustissimos, ad illorum usque extremitates propulsum, in *vesiculas* quasdam minimas expandi, postque partium aquearum insensibilem transpirationem *solidescere*, formamque illam vesicularem retinere, sicque primum illud concretum vesiculare, & utriculare, in plantis formari. Atque ex simplicissima hacce theoria omnia fere circa nutritionem, & incrementa, plantarum occurrentia phænomena explicari, illisque, quæ a viro solertissimo, eruditissimoque, STEPHANO HALES, in *the Vegetable Statics*, jam observata sunt, lucem aliqualem affundi adhuc posse existimo, uti alio tempore pluribus ostendam. Hoc ergo modo viridulam quoque illam substantiam, eamque vesicularem, & utricularem, ex minimis reticuli cujusvis tubulis, illorumque extremitatibus, in *foliis* quasi exsudare, atque minimis illis tubulis adhærescere, ibidemque intra cuticulas sensim paulatimque magis indurari, sicque *cum tubulis* illis, ex quibus protruditur, quorumque lacunis intertextum quasi est, in *utroque* folii cujusvis *reticulo commune* & *continuum* quoddam *expansum* tandem efficere, admodum mihi est probabile. Quæ *causa* vero *divaricationis* tubulorum ipsorum a se invicem sit, etsi ex iisdem fundamentis intelligi jam poterat, pluribus tamen explicari jam in præsentī nequit. Quoniam
pulpa

pulpa vero illa *viridis* longe *tenerioris* adhuc, *molliorisque*, quam *ipsi* reticulorum *tubuli* sunt, substantiæ est; *facilius* quoque *putrefactione* eroditur quasi, & destruitur, dum *tubuli* reticulorum *ipsi integri* adhuc, *illæque* a putrefactione ista supersunt, illaque omni ex parte denudati conspici distinctissime possunt.

Hoc ipsum vero jam *alteram* illam observationem mihi suppeditat, quæ annotatione aliqua adhuc digna esse videtur. Etenim sæpius mihi in *lapidibus figuratis*, qui *plantarum* variarum, etiam exoticarum, figuras referunt, atque ejusmodi quoque plantas, cum omnibus suis ramificationibus expressas, sæpe exhibent, quæ adeo *teneræ*, & *subtiles*, sunt, ut nullæ, illis similes in universo naturæ regno ullibi existant, dubium movit, undenam illarum figuræ oriri in lapidibus istis potuerint. Certe in montibus, *Gottingam* nostram cingentibus, magna ejusmodi lapidum copia jam eruitur, & ad construenda ædificia, publica privataque, immo & ad sternendas urbis vias plateasque, adhibetur, quæ præter varii generis *conchyliis petrefactis*, tum & *stellas marinas*, *cornua* ita dicta *Ammonis*, & ejusmodi alia, ingenti multitudine sinu ipsorum comprehensa, inter conchyliorum *juncturas*, immo in *ipsis* nonnunquam *conchyliis* petrefactis, adeo affabre factas *subtilissimarum arbuscularum* delineationes exhibent, ut nudo oculo vix adsequi omnia liceat, meritoque dubitandum sit, esse in tota natura nullum ejusmodi plantarum genus, quod subtilissimos adeo ramusculos habeat. Post sceletorum vero illorum præparationem, factamque istam observationem, quod putrefactione *pulpa* illa *viridis facilius*, quam *ipsi reticulorum* tubuli, corrumpatur, dubium fere illud,

mihi subortum, jam expiravit. *Subtilissima* enim illæ in *lapidibus*, vel *corporibus* etiam *petrefactis*, delineatæ *arbusculæ* nihil jam videntur esse aliud, quam ipsa *foliorum* hujus vel illius plantæ, *post putrefactionem* illorum adhuc *residua*, *reticula*, quæ, post reliquorum corruptionem, figuram suam massæ isti molliori, quæ in duriolem successu temporis lapidem abiit, impressam, delineatamque reliquerunt ita, ut ipsa non raro in *lapideam* substantiam commutata deprehendantur. Apud me saltem hæc, ob summam reticulorum istorum, cum subtilissimis illis arbusculis, affinitatem, dubitatione omni carent: forsan vero & aliis isthæc non omni probabilitate destitui videntur.

XII. *An Account of an Earthquake at Scarborough, on Dec. 29. 1737. communicated in a Letter from Maurice Johnson, Esq; jun. Secr. of the Gentlemens Society at Spalding, to C. Mortimer, M. D. Secr. R. S.*

SIR,

Spalding, Jan. 7. 1737-8.

SINCE I last did myself the Honour of writing to you, nothing, I think, worth communicating to you for the ROYAL SOCIETY, in the philosophical Way, has occurred to us here, until last *Thursday*, when the following Account of an Earthquake, which has very lately happened at *Scarborough*, as sent in a Letter from an Eye-witness, to a Gentleman here,

was